

## Naqqiut

Siunnersuut 12. agusti 2020-meersoq taarserpaa

*(Kalaallisut oqaasertalimmi inatsisiloriaatsimut tunngasunik aaqqissuussinikkut naqqiisoqarpoq. Kalaallisut oqaasertalimmi siunnersuummi § 1, nr. 1-imi naqqiissutit ipput)*

**Uunga siunnersuut: Tuniniaanissamik nittarsaassisarneq aamma  
nalunaaqutsersuisarneq pillugu Inatsisartut Inatsisaata allanngortinneqarnissaa pillugu  
Inatsisartut inatsisissaattut siunnersuut**

(Nioqquissat akiinut paasissutissat, akinut aamma fakturamut tunngasunik paasissutissat, pisinnaatitsissut akinut fakturamullu paasissutissanut immikkut malitarisassiorsinnaanermut, isumaqatigiissutini ingerlasuni akitsutinik allannguisinnaanerit, Atuisartoqarnermut Unammilleqatigiinnermullu Aqutsisoqarfiup arlaannaannulluunniit attuumassuteqanngitsumik nakkutilliisarnera aamma nakkutilliinermi pisinnaatitaaffii, kiisalu iliuuserineqartunut kinguneqartitsisarnerit aaqqissunneqarnissaannut aalajangersakkat)

### § 1

Tuniniaanissamik nittarsaassisarneq aamma nalunaaqutsersuisarneq pillugu Inatsisartut Inatsisaanni nr. 39, 9. december 2015-imeersumi nittarsaassineremi inatsit, imaaattunik allannguiteqartitsisoqassaaq:

**1. § 17 imatut oqaasertalerneqassaaq:**

” **§ 17.** Inuussutissarsiutitut nioqquissanik atuisartunut tuniniaanermi nalunaaqutsersuinerni, allagartalersuisarnerni imaluunniit allatut iliorluni ersarissumik ilisimatitsissutigineqartassaaq nioqquissamut neqeroorutigineqartumut imaluunniit nioqquissaqtigiiinnut ataatsimut akiusoq, akitsuutit ilanngutereerlugit, aningaasartuutit aamma akileraarutit. Nioqquissanik elektroniskiusumik atuisartunit allatsinnejarsinnaasunik neqerooruteqarnerni, assigisaanik oqaaseqatigiit siullit atuutissapput.

*Imm. 2. Inuutissarsiutitut tuniniakkanik aningaalersuinerungitsumik aalajangersimasumiit pisiniarfimmiiit atuisunut kiffartuussinerit, kiisalu kiffartuussineq elektronikkikkut atuisartunut tuniniarneqarpat imissutiginissaanut periaarfissaqarluni imm. 1, 1.*

Oqaaseqatigiinni siulleq, assiganik atorneqassaaq siumut katillugu akimik aalajangiisoqarsimappat tassunga pineqartumut kiffartuussinermut. Tamakkiisumik akimik aalajangiinissaq periaarfissaanngippat tuniniakkat kiffartuussinerit annertussuseqarnerat pissutaalluni, taamaasilluni akia aalajangiunneqassaaq naleqquttumik toqqarluakkatullu.

*Imm. 3.* Siumoortumik kiffartuussinermut aalajangersimasumik akiusussamik aalajangersaaffioreersimannngitsuni inuussutissarsiummik ingerlatsisup atuisartup piumasaqarneratigut isumaqtigiissuteqannginnermi ilisimatitsissutigissavai:

- 1) kiffartuussinermut pineqartumut akiusussaq ataatsimoortoq,
- 2) akimik naatsorsuussinermut periuseq, akia eqqorlugu oqaatigineqarsinnaanngippat, taamaasillunilu akia atuisartumiit misileqqinnejarsinnaalluni, imaluunniit
- 3) missingersuusiaq naammattunik immikkuualuttortalikkamik suliaasoq.

*Imm. 4.* Atuisartoq imm. 3 malillugu allaganngorlugu piumasaqarluni saqqummiippat, inuussutissarsiortoq allaganngorlugu paasissutissanik tunniussissaq, atuisartoq ersarissumik allatut piumasaqarsimannngippat.

*Imm. 5.* Aningaasarsiornermut tunngasuunngitsumik kiffartuussineq akiligassiissuteqarluni suliarineqareerpat, atuisartoq akiligassiissummik immikkuualuttortalersukkamik tigusaqassaaq, periarfissaqartitsisussamik taassuma nioqqu tip kiffartuussinermi tunniunneqartup akianik nakkutiginnissinnaanissaanik. Atuisartoq paasissutissinneqassaaq nal. akunneranut akigitinneqartumik, akunnernik atorneqartunik aamma atortulersuutinik qanoq ittunik kiffartuussinerup akianut sunniuteqartunik atuisoqarsimaneranik.

*Imm. 6.* Inuussutissarsiortup tamakkiisumik imaluunniit ilaannakuusumik paasissutissat imm. 5-imi eqqaaneqartut taarsersinnaavai paasissutissanik allanik, tamanna pippat atuisumut isumaqtigiissuteqarnikkut, imaluunniit suliassaqarfimmi ingerlatsiviusumi tassani ileqqusut tamanna kingunerippassuk.

*Imm. 7.* Inuussutissarsiortoq atuisartup piumasaqarneratigut ilassutitut paasissutississaq, atuisartumik periarfissaqartitsilertussamik nioqqu tip tunineqartut akiunik nakkutilliilluni paasiniaasinnaanermik. Qinnutiginninneq piffissap naammaginartup iluani saqqummiunneqassaaq.

*Imm. 8.* Ussassaarisarnermi taaguutit, assersuutigalugu “Neqeroorutit”, “Ussassaarinermi akigititaq” imaluunniit “Akikilliliineq”, taamaallaat atorneqarsinnaapput eqqortumik atorneqarlutik piviusunik imaqarunik. Ussassaarialuni oqariaaseq atorneqartoq akiusunik appaasoqarneranik paasineqarsinnaappat, taava ussassaarineq sioqqullugu akiusimasoq imaluunniit akimik appaunerup annertussusia ussassaarummi imaluunniit allagartaliussami nalunaarneqartassapput.

*Imm. 9.* Naalakkersuisut maleruagassiorsinnaapput makkununnga:

- 1) immikkut ittumik maleruagassanik imm. 1-7-imik sanioqqutisisinnaanernut, tamatumani aamma akiligassarsinermut atatillugu atugassarititaasunut paasissutissanik,
- 2) akiusunut tunngasunik paasissutissiisarnermut periausissanik, aamma paasissutissat tunniunneqartut annertussusissaannut, aamma
- 3) imm. 1-imisulli periaaseqarluni paasissutissisoqartassasoq nioqqu tip akianik aamma nioqqu tip uuttuutini aalajangersimasuni akianik, aammalu uuttuutit nioqqu tissaqatigiinnut ataasiakkaanut atorneqartussat pillugit.”

**2. § 18 -imi ikkunneqassapput *imm. 3-5-itut:***

” *Imm. 3.* Annertussusissaq imaluunniit akiligassiissutissaq akitsuut isumaqtigiiqtaasumik atsiukkami ingerlaavartumi taamaallaat atuisartumut nammattassatut allanngortinneqarsinnaavoq tamatumunnga tunngaviusut atugassarititaasut isumaqtigiiqsummi atsiukkami erseqqissarneqarsimappata. Tamannali atuutinngilaq akitsuutinut inatsisitigut aaqqissuussaasunut.

*Imm. 4.* Allannguineq akitsuummik imaluunniit akiligassiissummik atsiukkatut isumaqtigiiqtaasumi ingerlasumi, siumoortumik ilisimatitsissutigineqarsimassaq naapertuutumik piffissaliilluni, atuisartumut atortuulinnginnerminni.

*Imm. 5.* Akitsuummik allannguineq annertuppat, imaluunniit akitsuummik allamik nutaamik akiligassiissuteqartoqarp, siumoortumik atuisartumut ilisimatitsisoqassaaq atuisartut ataasiakkaarlugit allakkatigut attaveqarfinginerisigut, allannguutip atortuulinnginnerani. Atuisartoq isumaqtigiiqsummik atorunnaarsitsisinnaanermut pisinnaatitaappat, tamanna siumoortumik atuisartumut ilisimatitsissummi ersissaaq, soorluttaaq aamma ersissasoq atugassarititaasut qanoq ittut iluanni atuisartup isumaqtigiiqssut atorunnaarsissinnaaneraa.”

### 3. § 21 imatut oqaasertalerneqassaaq:

” **§ 21.** Ussassaarinikkut imaluunniit aningaasarsiornermut tunngasuunngitsumik kiffartuussineq pillugu allatut nioqqutip akianik atuisartunut ilisimatitsisoqarp, paasissutissat pineqartut piumasaqaatinik § 17, imm. 1 imaluunniit imm. 3, nr. 1-3, § 17, imm. 8, § 19 kiisalu aamma aalajangersakkaniq § 16, imm. 1, aamma § 17, imm. 9 -mik naammassinnittuussapput.”

### 4. § 24 imatut oqaasertalerneqassaaq:

” **§ 24.** Imm. 2-mi aamma 3-mi ilaatinneqartussaanngitsutut taaneqartut atuutsillugit Atuisartoqarnermut Unammilleqatigiinnermullu Aqutsisoqarfik Inatsisartut Inatsisaanni matumani aalajangersagaasunik unioqqutitsisoqannginnissaanik nakkutilliisussaavoq. Atuisartoqarnermut Unammilleqatigiinnermullu Aqutsisoqarfik nakkutilliinermik suliaqarnermini arlaannaanulluunniit atasuussanngilaq.

*Imm. 2.* Naalakkersuisut imaluunniit tamatumunnga piginnaatinneqartoq nakkutilliisuussaaq aalajangersakkat § 16, imm. 2 naapertorlugu suliaasut unioqqutinnejanaanginnissaannik.

*Imm. 3.* Naalakkersuisut imaluunniit taanna Naalakkersuisut Uumasut Nakorsaqarfik Oqartussaaffittut toqqarsimasaata nakkutigissavaa inatsisinik § 16, imm. 1. naapertorlugu inerteqqutigineqartunik unioqqutitsisoqannginnissa.

*Imm. 4.* Atuisartoqarnermut Unammilleqatigiinnermullu Aqutsisoqarfip piumasarisinnaavaa paasissutissat pisariallit Inatsisartut Inatsisaanik unioqqutitsisoqarsimanersoq aalajangiunniarlugu tunniussisoqarnissaa, aammalu iluameersumik kinaassutsimik uppermarsaammik takutitsinkut killilersugaanngitsumik aammalu akornuserneqanngitsumik pisiniarfiup ammanerani pisiniartut pisiniartarfianut isersinnaassalluni.

*Imm. 5.* Naalakkersuisut imaluunniit taanna Naalakkersuisut Uumasut Nakorsaqarfik Oqartussaaffittut toqqarsimasaata piumasarisinnaavaa paasissutissat pisariallit inatsisinik §

16, imm. 1. naapertorlugu inerteqqutigineqartunik unioqqutitsisoqarsimanersoq aalajangiunniarlugu tunniussisoqarnissaa, aammalu iluameerumik kinaassutsimik uppernarsaammik takutitsinikkut killilersugaanngitsumik aammalu akornuserneqanngitsumik pisiniarfíup ammanerani pisiniartut pisiniartarfiannut isersinnaassalluni.”

**5. § 39, imm. 1, imatut oqaasertalerneqassaaq:**

- ” **§ 39.** Pineqaatissiissutit akiliisitaasussanngortitaanerit pisinnaapput, makkuninnga:
- 1) Unioqqutitsinerni § 3, imm. 1-2, § 4, § 6, imm. 1, 3 aamma 6, § 9, imm. 2-3, § 11, § 12, § 18, imm. 5, aamma § 23-mik.
  - 2) Piaaraluni § 22-mik unioqqutitsinermi.
  - 3) Ussassaarutinik assingusunik atuinermi, tak. § 5, imm. 1, eqqortinnagit aalajangersakkat § 5, imm. 2-miittut.
  - 4) § 10-mut akerliusumik ussassaarinermik ingerlatsinikkut.
  - 5) § 14, imm. 1 aamma 2-mut akerliusumik atuisartunut pisinissamik kaammattuinikkut.
  - 6) Peqqussutaasunik § 15, imm. 2 aamma 3, § 17, imm. 1-2, 5 aamma 7-8, § 19 imaluunniit § 21 -imiittunik ilisimatitsissuteqannginnikkut.
  - 7) Paassisutissanik ilisimatitsinnginnikkut imaluunniit isersinnaatitsinikkut § 24, imm. 4-5 naapertorlugit, imaluunniit pissutsini Inatsisartut Inatsisaannut ilaasuni pisortani oqartussanut eqqunngitsunik imaluunniit salloqittaalluni nalunaaruteqarnikkut.
  - 8) § 38 naapertorlugu eqqartuussivimmit inerteqqutaasunik ilaginnaanikkut.”

## § 2

Inatsisartut Inatsisaat atortuulerpoq ulloq 1. januar 2021.

*Namminersorlutik Oqartussat, ulloq xx. xxx 2020*

Kim Kielsen